

Ngoenzdoegsaw Seiqgyaiq Sawndei Baij Doh Gai

世界读书日 处处闻书香



▲ Gvanyangz Yen gunghcoz yinzyenz fat saw hawj ginzcung.



▲ Hagseng angq yawj gij saw Liuj-couh Si Donzvej soengq daeuj haenx.



4 nyied 23 hauh dwg “ngoenzdoeg-saw seiqgyaiq”. Gih raeuz gak dieg guh gak cungj doeg saw hozdung, vih gyaez doeg saw, doeg sawndei cauh aen fwnfeiz ndei, doidoengh hagsibhingz sevei gensez. Cingsih Yen Sinhvaz Suhden soengq saw daengz lajmbanj, hawj gyoengq ginzcung youq naj bakdou swheij cawx saw doeg saw. Liujcouh Si Donzvej, boux duzsuh ciyencej soengq 300 lai bonj saw daengz segih, ndaw hagdangz, hawj vunzlai baijyienh Cunghvaz minzcuz vwnzva, gujli gyoengq hagseng hagbaenz maij doeg saw sibgvenq, vih saedyienh “Siengjmuengh Cungguk” roengzrengz bae guh. Gvanyangz Yen guh “cangdauj doeg saw funhsang, ceng guh bouxvunz vwnzmingz” hozdung, ngoenzde, soengq 500 lai bonj saw hawj ginzcung.

(Cau Ginghvuj Cangh Yaujginh Dangz Linzginh)

◀ Cingsih Yen ginzcung ndaej youq naj bakdou ranz swheij doeg saw.

Lungzswng: Minzcuz Vwnzva Haeuj Hagdangz

龙胜：民族文化进校园

Gaenh geij bi neix daeuj, Lungzswng Gak Cuz Swciyen cungh siujyoz dawz minzcuz vwnzva yinxhaeuj gwnz dangz, hailaeb go minzcuz, boq venz, dajsiuq daengj, caenh' itbough swncienz minzcuz conzdungj vwnzva maenhndei haenx. Sawj gyoengq hagseng daj iq roxyiuj caeuq gyaezmaij minzcuz vwnzva raeuz.

(Vangz Siujmeiz)



▲ Hagseng lienh boq venz.

Lungzlinz: Seiqnyied Va' gyaeuq Angj

隆林：四月桐花开



▲ Va' gyaeuq angj doh ndoi.

Haeuj ndwenseiq daeuj, ndaw yienh Lungzlinz Gak Cuz Swciyen dauqcawq va' gyaeuq anggyan' gyan, youq gwnz ndoi, youq henz goengloh, dujduj va' gyaeuq gyaeunde haenx, lumj aen lingzrumz dauqdingq nei, duj dep duj, bivedved, heiq va rangrwdrdw mbin doh ranzmbanj, hawj vunz baijyienh gij hoengh-hwdhwd de.

(Vangz Haijgez)

Bwzswz: Gingjaz Caeuq Bouxsimgyaez Gvensim Hagseng Ranz Gungzhoj

百色：交警与爱心人士关心贫困家庭学生

4 nyied 26 hauh, Bwzswz Si gyoengq boux gyauhdung hingsjaz caeuq gyoengq boux vangjyouj miz simgyaez haenx guh gien ngaenz bang hag hozdung. Gyauhgijngj cihdui bouxminzgingj, Bwzswz Caujgwnh Gunghyidonz, Bwzswz Simgyaez Baujbei Ginz daengj doengh boux miz simgyaez haenx caeuq Dalwngj Yangh Cunghsinh Yau 16 boux hagseng ranz gungzhoj haenx laemzseiz gyoebbaenz “ranz simgyaez”, guh “canhgvanh aen hagdangz ndeu, yawj ciengz denyingj ndeu, gwn donq haeux yingzyangj ndeu” hozdung, gujli gyoengq hagseng gag roengzrengz mbouj soengheiq, haenqrengz baenaj. Gyoengq boux simgyaez soengq ngaenz, saw, daehsaw, vwnzgi hawj 16 boux hagseng haenx.

(Veiz Cingh)



▲ Bouxsimgyaez soengq daehsaw moq hawj gyoengq lwg-nyez.



◀ Gyoengq lwg-nyez caeuq “daxboh daxmeh” ngonzyawj Bazyiz Hihvang Siujyoz.